

**«ԱՐԱԲԿԻՐ» ՄԻԱՑՅԱԼ ՄԱՆԿԱԿԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄԻ ԿՈՂՄԻՑ ԻՐԱԿԱՆԱՑՎՈՂ «ԱՐԱԲԿԻՐ»
ԲԺՇԿԱԿԱՆ ՀԱՄԱԼԻՐ- ԵՐԵՒԱՆԵՐԻ ԵՎ ԴԵՌԱՀԱՄՆԵՐԻ ԱՌՈՂՋՈՒԹՅԱՆ ԻՆՍՏԻՏՈՒՏԻ ՈՒ ԱՊԱՐԱՆ
ՀԱՄԱՅՆՔԻ ՋՐԱՄԲԱՐ ԲՆԱԿԱՎԱՅՐՈՒՄ ԳՏՆՎՈՂ ԱՄԱՌԱՅԻՆ ԱՌՈՂՋԱՐԱՆԱՅԻՆ ԿԵՆՏՐՈՆԻ
ԿԱՐՈՂՈՒԹՅՈՒՆՆԵՐԻ ՀԶՈՐԱՅՈՒՄ» ԾՐԱԳԻՐ**

1.	Ծրագրի նպատակները	1) Զարգացման խանգարումներ, ֆիզիկական, մտավոր, խնդիրներ, բնածին, ձեռքբերովի, քրոնիկ հիվանդություններ ունեցող երեխաների և դեռահասների, սոցիալապես անապահով ընտանիքների երեխաների համար հիմնադրամի աջակցությամբ ստեղծված Ապարան համայնքի Ջրամբար բնակավայրում գտնվող ամառային առողջարանային կենտրոնի կարողությունների հզորության ավելացում. 2) «Արաբկիր» բժշկական համալիր - Երեխաների և դեռահասների առողջության ինստիտուտի կարողությունների հզորության ավելացում:
2.	Ծրագրի բարեգործական որակման նպատակը	Օրենքով սահմանված կարգով օգտվել Հայաստանի Հանրապետության հարկերի, տուրքերի և պարտադիր վճարների գծով արտոնություններից:
3.	Բարեգործները	Շվեյցարական հիմնադրամ Հայաստանում հիվանդ երեխաների համար (ՄԵՄՌԱՊլյուս հիմնադրամ, Շվեյցարիա), Նեֆրոլոգիա - Հայաստան-Ֆլանդրիա (ՆԱՖ Ասոցիացիա, Բելգիա), «Օգնենք Հայաստանին հիմնադրամ» (Շվեյցարիա/Շաֆհաուզեն), Էլեոնորեն հիմնադրամ - Ցյուրիխի մանկական համալսարանական հիվանդանոց (Շվեյցարիա), Դերձակյան ընտանիք (Արգենտինա), Անմիջական Օգնություն Ընկերակցություն (ԱՕԸ, Հայաստան), Իզմիրյան հիմնադրամ, Կոմիտաս Շվեյցարիա - Հայաստան բարեգործական հիմնադրամ (ԿԱԶԱ հիմնադրամ), Հայ Օգնության Ֆոնդ (ՀՕՖ), Կավուկյան ընտանիք (ԱՄՆ), այլ կազմակերպություններ և անհատներ:
4.	Ծրագիրը կատարողը	«Արաբկիր» միացյալ մանկական բարեգործական հիմնադրամ (Հայաստանի Հանրապետություն, քաղաք Երևան, Մամիկոնյանց 30, ՀՎՀՀ՝ 00009237)
5.	Ծրագրի իրականացման վայրը և բնագավառը	Քաղաք Երևան և Հայաստանի Հանրապետության Արագածոտնի մարզ, քաղաք Ապարան համայնքի Ջրամբար բնակավայր, բնագավառը՝ առողջապահական
6.	Ծրագրի բյուջեն	6,313,500,000 դրամ

7.	Բարեգործություն ստացողները	Բնածին, ձեռքբերովի, քրոնիկ հիվանդություններ ունեցող երեխաներ և դեռահասներ, սոցիալապես անապահով ընտանիքների երեխաներ, զարգացման խնդիրներ ունեցող, հաշմանդամ երեխաներ ճանաչված անձանց, երկարատև, շարունակական բուժում պահանջող հիվանդություններ ունեցող դեռահասներ, բնակչության սոցիալապես անապահով խոցելի խմբերի անձինք:
8.	Ծրագրի իրականացման տևողությունը	2026 թվականի հունվարի 10-ից մինչև 2030 թվականի դեկտեմբերի 31-ը
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	1) «Արաբկիր» միացյալ մանկական բարեգործական հիմնադրամի աջակցությամբ ստեղծված Ապարան համայնքի Ջրամբար բնակավայրում գտնվող ամառային առողջարանային կենտրոնի երկու նոր մասնաշենքի կառուցում, կահավորում, վերականգնողական պարագաներով ու խաղերով հագեցում և գոյություն ունեցող մասնաշենքերի վերանորոգման աշխատանքների իրականացում – 568,500,000 դրամ: Միջոցառումները նախատեսվում են իրականացնել 2026 թվականի մարտի 1-ից մինչև 2030 թվականի հոկտեմբերի 31-ն ընկած ժամանակահատվածում: 2) «Արաբկիր» բժշկական համալիր – Երեխաների և դեռահասների առողջության ինստիտուտի բաժանմունքների և վերականգնողական կենտրոնների վերանորոգման աշխատանքների իրականացում ու կահույքով, բժշկական սարքերով, սարքավորումներով, պարագաներով հագեցում – 1,200,000,000 դրամ: Միջոցառումները նախատեսվում են իրականացնել 2026 թվականի հունվարի 10-ից մինչև 2030 թվականի դեկտեմբերի 31-ն ընկած ժամանակահատվածում: 3) «Արաբկիր» բժշկական համալիր – Երեխաների և դեռահասների առողջության ինստիտուտի նոր մասնաշենքի կառուցում, կահավորում և բժշկական սարքերով, սարքավորումներով ու պարագաներով հագեցում – 4,500,000,000 դրամ: Միջոցառումները նախատեսվում են իրականացնել 2026 թվականի հունվարի 10-ից մինչև 2030 թվականի դեկտեմբերի 31-ն ընկած ժամանակահատվածում: 4) «Արաբկիր» բժշկական համալիր – Երեխաների և դեռահասների առողջության ինստիտուտի վերազինման համար շտապ օգնության ավտոմեքենաների ձեռքբերում և ներմուծում (2 հատ) – 45,000,000 դրամ: Միջոցառումները նախատեսվում են իրականացնել 2026 թվականի հունվարի 10-ից մինչև 2030 թվականի դեկտեմբերի 31-ն ընկած ժամանակահատվածում:
10.	Ձեռք բերվող (ներմուծվող) ապրանքների ու ծառայությունների համառոտ	1) շինարարական և վերանորոգման ծառայությունների ձեռքբերում – 3,656,100,000 դրամ: 2) կահույքի, վերականգնողական պարագաների, խաղերի, բժշկական սարքերի, սարքավորումների և պարագաների ձեռքբերում ու ներմուծում – 2,612,400,000 դրամ:

	նկարագիրը, ծավալները և նախատեսվող գինը	3) շտապ օգնության ավտոմեքենաների ձեռքբերում և ներմուծում (2 հատ) - 45,000,000 դրամ:
11.	Ծրագրի իրականացման հետ կապված կազմակերպական ծախսերը	Կազմակերպական ծախսեր չեն նախատեսվում:
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Նախատեսվում է համագործակցություն Առողջապահության նախարարության, Հայաստանի Հանրապետության Արագածոտնի մարզպետի աշխատակազմի և Երևանի քաղաքապետարանի աշխատակազմի հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	1) ծրագրի իրականացման ընթացքը վերահսկվում է «Արաբկիր» միացյալ մանկական բարեգործական հիմնադրամը ֆինանսավորող կազմակերպությունների կողմից. 2) Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով տեղեկությունների ներկայացում լիազորված մարմին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱԴԵՏ

Տ. ԽԱՉԱՏՐՅԱՆ